

**DE ADMIRABILI
CHRISTI IN COELUM
ASCENDENTIS
MYSTERIO ORATIO
HABITA IN...**

Lodovico Valenti



g. 8

DE ADMIRABILI
CHRISTI

In Cælum ascendentis

M Y S T E R I O
O R A T I O

Habita in Basilica Lateranensi

C O R A M

Sanctissimo Domino Nostro

CLEMENTE XI.

A LUDOVICO DE VALENTIBUS.



ROMAE MDCCXVIII.

Ex Typographia Francisci Zinghi, & Iosephi Monaldi.

Superiorum facultate.

SANCTISSIMO DOMINO NOSTRO
D. CLEMENTI XL
PONT. OPT. MAX.

LUDOVICUS DE VALENTIBUS
Felicitatem.



*Uo erant, BEATISSIME
PATER, quæ me ab hac dicendi
provincia maximè deterrebant, &
de ineffabili Ascensionis Domini-
cæ mysterio verba facere, & de eo
a 2 ipso,*

[a] S. Leo Serm. de
Passione Do-
mini.

*ipso, Te coram, Teque audiente,
dicere. Alterum siquidem vide-
bam^a humanæ intelligentiæ alti-
tudinem, & totius eloquii faculta-
tem vincere: Alterum tanti pon-
deris esse, ut eloquentissimo cuique
jure videatur extimescendum.
Cum tamen Te, & præclaras tuas
Virtutes, quibus summa tempo-
rum difficultas admirationis, &
gloriæ plurimum conciliavit, dili-
gentiùs animadverterem, facilitè
intellexi, nec peropportunum ora-
tioni argumentum, nec dicenti vi-
res, animumque de futurum, si Te
unum intuerer, Teque unum mea
spectaret Oratio. Nam præter-
quamquod ea singularis humani-
tas,*

tas ; quam cum Pontificia Maje-
state in Te maximè conjunctam
esse admiramur , ad dicendum alli-
cit , suaviterque invitat ; Non nè
Orationis quoquè , qualiscunque
illa sit , argumentum à clarissimis
Virtutum Tuarum exemplis om-
ninò profitear acceptum ? Quid
enim immensi labores Tui , quid
vigiliæ , quid ^a instantia quotidia-
na , & sollicitudo omnium Ecclesia-
rum , quæ Te , dies , noctesque oc-
cupatissimum habet , nobis prædi-
care videntur , nisi perpetuò esse
pro ea Gloria laborandum , ad
quam hodiè Christus JESUS non-
nisi per Crucem , & durissimam
mortem ascendit ? Utinam non

[a] 2. ad Corinth.
11. 28.

*impar mihi tanto argumento elo-
quentia fuisset! ; Sed fortassè tam
illustre , ac præclarum exemplum,
Te videlicèt , indicasse sufficiet , ut
nimirùm , quod mea dicendi tenui-
tas minùs luculentè expresserit ,
id clariùs in magnis Tuis , admi-
randisque Virtutibus per spectum ,
cognitumque habeatur. Unum ita-
què superest vehementè optan-
dum , ut clarissimum hoc Sapien-
tiæ , ac Virtutis Tuæ lumen diù no-
bis liceat intueri , ut aliquandò
& nos , & universa Christiana
Respublica ad ejusmodi exempla
valeat conformari .*

ORATIO.



MIRUM profectò , BEATISSIME
 PATER, quòd , Unigenito
 Filio DEI Christo JESU ad
 Cælos, undè venerat, ho-
 diernâ die redeunte, Disci-
 pulisque novâ rei admiratione dudum,
 hærentibus, & in Cælum ore, vultu, ocu-
 lisque defixis intuentibus,^[a] duo Viri juxtâ
 illos in vestibis albis adstantes eximiam
 hanc , præcipuamque pietatem reprehen-
 dere magis quodammodò,quàm commen-
 dare videantur !^[b] *Quid statis* , inquiunt ,
aspicientes in Cælum? quid? nùm Cælum non
 aspicerent,quò prædilectus Magister,quò
 Pater amantiſſimus palàm ,^[c] ipsisque vi-
 dentibus , nupèr ascenderat ? Cælum ,
 inquam, non aspicerent,^[d] ubi eorum Cor,
 eorum Thesaurus, Christus scilicet recon-
 debatur ? Quid enim jucundius ? quid
 optabilius,quàm Cælum illud intueri,^[e]
 cujus eâ die in Christo possessores firmati
 non ignorabant,^[f] quàm multa ibi futura
 esset

[a] *Act. Apost. cap. 1.*

[b] *Act. Apost. cap. 1.*

[c] *Act. Apost. cap. 1.*

[d] *Matt. 21.*

[e] *S. Leo Serm. 1.
de Ascensu.*

[f] *Luc. 6.*

[a] *Joann. 14.*

esset sibi merces, & quò probè intelligebant, idcirco Dominum præcessisse, " ut pararet eis locum? Quæ denique major voluptas, quàm in eo Monte consistere, Cælumque ex ea parte contemplari, quâ primò ad Cælum iter, primamque Empyreï Portam patuisse conspexerant? Quid est igitur, quòd de pia ejusmodi Discipulorum contemplatione Beatissimi Spiritus obstupescunt, eosque quasi desides, aut se-gnes increpitant: quid statis aspicientes in Cælum? Faveat nobis Divini Spiritus gratia, faveat, ut arcana Sapientiæ scrutemur; ut magnum hoc Angelicæ locutionis mysterium & agnoscamus, & veneremur.

[b] *Joann. 13.*

Quod potissimum Dominus ^b de hoc Mundo transiturus ad Patrem Discipulis commendaverat, illud sanè fuerat, ut Evangelii prædicatione susceptâ, fundamenta Fidei jacerent, & apud omnes undequaque Gentes, ac Nationes Evangelicæ lucis radios diffunderent: ^c *Euntes in universum Mundum predicate Evangelium omni Creatura, qui crediderit, & baptizatus fuerit, salvus erit.* Ad hoc siquidem unum ille

[c] *Marc. 16.*

ille de Cælo descenderat, ^[a] in similitudi- ^{[a] *Ad Philippen. 2.*}
 nem hominum factus, & habitu inventus
 ut homo, ad hoc sane mortuus, & sepul-
 tus, ad hoc resurrexerat, ad hoc deniquè
 hodiè ^[b] super omnes Cælos ascendit, no- ^{[b] *Ad Ephes. 4.*}
 bisque Cælorum januam referavit. Cùm
 itaquè Discipuli præsentium gaudiorum
 contemplationis dulcedine illecti in eo
 ipso Monte, undè Christus ascenderat,
 diutiùs consisterent, seque minùs sollicitos ^[c] ^{[c] *Matth. 23.*}
 de prædicando Evangelio, ac de gloria
 Regni Dei demonstrarent, jure quidèm,
 Cælestes illi Spiritus obstupuerunt, quod,
 videlicèt, ^[d] suspicientes in Cælum starent <sup>[d] *S. Athanas. tra-*
 potiùs, quàm Mundo miraculum hoc, ^{[d] *ctas. 36.*}
 & Christi adventum prædicarent; obstu-
 puerunt, inquam, quòd Cælum otiosè
 contemplarentur, nec pro eo obtinendo ^[e] ^{[e] *Marc. 13.*}
 antè Reges, & Præsides stare, ^[f] nec con- ^{[f] *Act. Apost. 5.*}
 tumelias pati pro nomine JESU prope-
 rarent. Mysterium itaquè intelligamus. ^[g] ^{[g] *Psalms. 23.*}
 Elevantur hodiè portæ illæ æternales, &
 Rex Gloriæ Dominus super omnes Cælos
 ascendit, ac nobis Paradisi janua aperta
 est. ^[h] <sup>[h] *S. Thoma de 3*
 Quid ergò stamus? quid hæremus? <sup>[h] *Villan. Croni-*
 Pro- <sup>[h] *con. 1. de ascen-*
 sion.</sup></sup></sup></sup>

Profectò in Cælum ascendere cum Christo
 cupientibus neque otiosè standum, ne-
 que desidiosè pugnandum. ^a Patefacta est
 sanè in somnis Jacob via Cæli, viditque
 Angelos Dei ascendentes, & descenden-
 tes, & Dominum innixum scalæ, sed post
 angustias itineris, & in labore peregrina-
 tionis. ^b Vidit Stephanus sibi Cælos aper-
 tos, sed tunc planè vidit, cùm, lapidanti-
 bus Judæis, pro Fide intrepidè, fortitèrque
 pugnaret. Nec enim ^c coronabitur, Pau-
 lus clamat, nisi qui legitimè certaverit; ^d
 quippè Regnum Cælorum vim patitur,
 & violenti rapiunt illud. ^e Quod qui-
 dè aggrèdiendum est nobis non ferro,
 sed pietate, sed fide, sed charitate, sed
 bonis operibus: ^f quis enim, ut sedulò Pro-
 pheta interrogat, quis ascendet in Mon-
 tem Domini, aut quis stabit in loco sancto
 ejus? Innocens, nimirùm, manibus, & mun-
 do corde, qui non accepit in vano animam
 suam, qui scilicèt non in deliciis, fluxisque
 hujus sæculi voluptatibus animam posuit,
 sed ^g qui abstinet se à carnalibus desideriis,
 quæ militant adversùs animam, quiquè præ-

[a] 1. Genes. cap. 28.

[b] Act. Apost. 7.

[c] 2. ad Thimot. 2.

[d] Matth. 21.

[e] S. Ambros. 10. 5.
Serm. 5.

[f] Psalm. 23.

[g] 1. Petrus.

præterea * sicut Dei ministrum se exhibet ^{[a] Ad Corintl. 5.}
 in multa patientia, in tribulationibus, in
 necessitatibus, in angustiis. Et sanè nùm
 aliâ ratione Dominus Unigenitus Filius
 Dei ascendit in Cælum? ipsum audite: ^{[b] Luc. 24.}
 non nè oportuit Christum pati, & ità in-
 trare in Gloriam suam? ^{[c] S. 901 Chriloff. Serm. de Ascen- sion.} ascendit quidem
 ille supra Cherubim, & ultra Seraphim;
 elevatus est usque ad dexteram Dei Pa-
 tris, ^{[d] Ad Ephes. 4.} sed ipse est, qui descendit, ^{[e] Ad Phil. ppn. 2.} qui se-
 metipsum exinanivit formam servi acci-
 piens. ^{[f] Ad Colossen. 3.} Sedet, reverà sedet à dextris Dei, ^{[g] S. Ciprian. de Ascension.}
 sed hæc merces obedientię illius, hoc Cru-
 cis, & mortis stipendium; ^{[h] Ad Philippen. 2.} propter quod ^{[i] Matth. 28.}
 & Deus exaltavit illum. Data est mihi,
 inquit, omnis potestas in Cælo, & in Ter-
 ra. Magna planè dignitas! magnum in-
 enarrabilis gloriæ argumentum! ^{[k] S. Th. de Aquin. Concion. 1. de Ascension.} sed indè
 exaltatus, undè priùs fuerat humiliatus
 usque ad alapas, usque ad irrisiones, usque
 ad flagella, usque ad mortem. Quid stamus
 igitur aspicientes in Cælum? certè, ^{[l] S. Leo Serm. 19. de Passione Domini.} si
 compatimur, & conregnabimus. ^{[m] 1. Petr. 3.} Chri-
 stus enim passus est pro nobis, hoc nimi-
 rum relinquens exemplum, ut sequamur
 ve-

[a] S. Augustini
Serm. 3. de
Ascension.

[b] Joann. 12.

[c] Psalm 63.

vestigia ejus. Ascendentis itaque vestigia
sequamur, ^a sequamur scilicet bonis ope-
ribus, sequamur spe, sequamur corde, &
quandoquidem ipse fore promisit, ut ali-
quando ^b exaltatus à terra omnia traheret
ad seipsum, illud votis omnibus postule-
mus, ut quoniam hodiè super omnem
creaturam exaltatus ad dexteram Patris se-
det; ^c ita & nos cum Christo ad cor altum
accedentes illius Cælestis Gloriæ partici-
pes esse mereamur.



